

# **REFERAT MIA - Meeqqanut Ilaqutariinnullu Ataatsimiititaq d. 11-06-2020**

**Mødedato** Torsdag d. 11. juni 2020 kl. 18:00

**Mødested** Kommunalbestyrelsesip ataatsimiittarfia

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Aalajangiiffissat.....	7
Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu i	8
Ineriartortitsinissamut Pilersaarut pillugu killiffimmik nalunaarusiaq MI 2017-2020.....	9
Ukiumoortumik nalunaarusiat 2019 MI- Ikiorsiissuteqarfimmi neqeroorutit.....	12
Taasariaqartut allat.....	15
Suliat matoqqasut.....	16
Imaqarniliap akuerineqarnera.....	17

## **Punkt 0: Saqqaa**

### **Ilaasortat:**

Uju Petersen (IA), siulittaasoq.

Hans Jukku Noahsen (IA)

Inge Olsvig Brandt (IA)

Knud Mathiassen (IA)

Ane Egede Mathæussen (S)

### **Beslutning**

Najuuttut: Uju Petersen (IA), Knud Mathiassen (IA), Inge Olsvig Braandt (IA), Hans Jukku Noahsen (IA) aamma Ane Egede Mathæussen (S).

## **Punkt 1: Oqaluuserisassat akuerineqarneri**

### **Beslutning**

Oqaluuserisassat akuersissutigineqarput.

## **Punkt 2: Nalunaarutit**

2a. Siulittaasumit nalunaarutit

2b. Ingerlatsivimmit nalunaarutit

### **Beslutning**

2a. soqanngilaq

2b. Angerlarsimaffiup avataanut inissiisarnerit pillugit ingerlatsivimmi suleriaaseq allanngortinneqarmalli, ulloq unnuarlu angerlarsimaffinnik piginnittut namminersortut aammalu Nunatsinni Sulisitsisut akornanni aalassannersuaqarpoq. Ingerlatsiviup advokatfirmaet Malling & co. suleqatigilernikuuai.

Ulloq unnuarlu angerlarsimaffik Sikkerneq isumaqatigiissuteqarfigineqarsimagunarpoq, taamaatitsinissaq ukiup affarigaa – tamannalu uatsinnut ajornartorsiortitsingaatsiarpoq. Sikkerneq tassaavoq angerlarsimaffik ulloq unnuarlu angerlarsimaffinnut allanut sanilliullugu qaammammut meeqqamut ataatsimut 40.000 koruuninik akisunerusoq. Maannakkorpiaq ulloq unnuarlu angerlarsimaffimmi tassani meeqqat arfineq-marluk inissinneqarnikuupput, imaappoq qaammammut 280.000 koruuninik aningaasartuuteqarnerusarpugut, ukiumullu 3.6 mio. koruuninik.

Taamaattumik ukioq manna ulloq unnuarlu inissiisarfinnut atuinerungaatsiarnissarput ilimagineqarsinnaavoq.

## **Punkt 3: Ilisimatitsissutit**

Soqanngilaq

**Beslutning**

Soqanngilaq

## **Punkt 4: Aalajangiiffissat**

Soqanngilaq

### **Beslutning**

Soqanngilaq

**Punkt 5: Suliat Aningaasaqarnermut Inuussutissaqarnermullu  
Ataatsimiititamut Kommunalbestyrelsimullu ingerlateqqitassat**

## **Punkt 05A: Ineriartortitsinissamut Pilersaarut pillugu killiffimmik nalunaarusiaq MI 2017-2020**

### **Beslutning**

Inassuteqaat akuerineqarpoq

### **Bilag**

11 Killiffik pillugu nalunaarusiaq, kvartali siulleq 2020

Suliassanut pilersaarut 2017-2020 (nutartigaq)

Killiffik pillugu nalunaarusiami Deloitteq oqaaseqaatai

## **Ineriartortitsinissamut Pilersaarut pillugu killiffimmik nalunaarusiaq MI 2017-2020**

11 Killiffik pillugu nalunaarusiaq, kvartali siulleg 2020

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – Pisortaq Martha Lund Olsen / MLOL

### **Suliassamik eqikkaaneq**

Ineriartortitsinissamik pilersaarummut 2017-2020 tunngatillugu, tassanilu suliarineqartussat ilanngullugit, Meeqqanut Ilaqutariinnullu Ingerlatsivimmit killiffii pillugit 2019-imi kvartalimi siullermi nalunaarusiarineqarput.

Killiffimmik nalunaarusiap suliarinerani siunnersuinikkut ilitsersuinikkullu Deloittep ingerlatsivik suleqatigivaa.

2019-imi kvartalimi siullermi killiffik pillugu nalunaarusiaq pingasunut avinneqarpoq:

- Ingerlatsiviup killiffik pillugu nalunaarusiaa
- Suliassat pillugit pilersaarut nutartigaq
- Deloittep innersuussutai:

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigivaa:

- ilisimatitsissut tusaatissatut tiguneqassasoq
- suliaq ilisimatitsissutitut Aningaasaqarnermut Inuussutissarsionermullu Ataatsimiititamut ingerlateqqinneqassasoq

### **Suliassamik saqqummiussineq**

Meeqqanut Ilaqutariinnullu Ingerlatsivik 2020-mi kvartalimi siullermi meeqqat ilaqutariillu inuuniarnermikkut ajornartorsiuteqartut pillugit politikki nutaamut innuttaasut isummersuutaannik pilersitsivoq. Politikkip pinaveersaartitsinermik suliaqarneq qitiutippaa, tamannalu suliniutissani allaaserineqarpoq. Tassunga uiggiullugu, kvartalimi siullermi Meeqqanut Ilaqutariinnermullu Ingerlatsivik suliniutinut ingerlatsivimmi ilaqutariinnut immikkoortortaqaarfimmi amerlialuttuinnartunut annertuumik qitiutitsivoq. Tamassuma kinguneraa ingerlatsivimmi aqutsisut oqartussaaffeqarfimmik allanngortiterinermi periusissiamik akuersissuteqarnerat, avataanut inissiisarnermi annerusumik suliatigut ukkatarinninnerulersitsilluni.

Ingerlatsiviup politikianut nutaamut ilassutitut Ikorsiissarfimmilu Immikkoortortaqaarfimmi annertuumik immikkoortumut nassuiaat, kiisalu Nuummi Paamiunilu neqeroorutit tamarmik suliassartaasa allaaserineqarnerat. Tamaat isigalugu Ingerlatsiviup suliai ineriartorfiusimapput. Qulaani taaneqartuni saniatigut Nuummi Upalungaarsimaneq aallartippoq, angerlartitsinissarlu aallartisareerpoq. Taassuma saniatigut qimarnguik ineriartortinneqarpoq, Nuummi Paamiunilu Oqartussaaffeqarfimmut Ikorsiissuteqarnermullu suliassaqaarfik kommunimi ESDH-systemimut nutaamut, GetOrganized-imut nuunneqarput.

### **Aaqqiissutissatut siunnersuut – suliatigut naliliineq**

Suliassatut pilersaarutit malillugit ataatsimut isigalugu Ingerlatsivik malinnaavoq. Deloittellu innersuussutai tunngavigalugit Ingerlatsiviup eqqumaffigissavai:

- Suliat malinnaaffiginerat annertunerulissasoq qaammatillu aallaqqaataani suliat amerlassusaat, suliat nutaat kiisalu suliat naammasseriikkat nassiuteriikkallu naatsorsorneqartassasut innersuussutigineqarpoq.
- Suliunnaarnermi oqaloqatiginninnermi aalajangersimasumik periuseqartoqartassasoq – suliunnaarnermullu atatillugu oqaloqateqarnissamut najoqutassiaq suliarineqassasoq innersuussutigineqarpoq.
- Ataavartumik atukkanik misissuisoqartarnissaa innersuussutigineqarpoq.
- Suliani ataasiakkaani aaqqissuulluakkamik aqutsineq pilersinneqassasoq innersuussutigineqarpoq.
- Suliatigut aqutsinermik nakkutilliineq aaqqissuunneqassaaq uppersarsarneqassasorlu innersuussutigineqarpoq.

Oqaaseqaat tusaatissatut tiguneqarpoq.

Taassuma saniatigut Deloitte innersuussivoq nutaanik kisitsisinik anguniagassiisoqarnissaanik. Kisitsisit anguniakkat atuuttut killiffik pillugu nalunaarusiat aqqarnganni iluarsineqareerput, taamaalilluni kisitsisit misissorneqartut ESDH-systemimi GetOrganized-imit kisitsisinut naleqqutissallutik. GetOrganized-imit kisitsisit pissarsiarineqartinnagit Ingerlatsivik kisitsisinik nutaanik anguniagaliussanngilaq. Tassunga ilassutitut Deloitte innersuussutigaa suliat annertussusaasa naatsorsornissaannut ilitsersuusiortoqarnissaanik, taamaalilluni Nuummi, Tasiilami, Paamiuniluunniit kisitsisinik anguniakkanik naatsorsuineq malitseqartitsinerlu assigiimmik ingerlanneqassalluni. Tamanna tusaatissatut tiguneqarpoq.

*Aningaasatigut sulisoqarnikkullu naliliinerit*

Soqanngilaq

*Inatsisitigut tunngavissaq allakkallu tunngaviusumik uppersarsaatitallit*

"Ineriartortitsinissamut Pilersaarut MI 2017-2020"

*Ingerlariaqqinnissaq*

Ineriartortitsinissamut *Pilersaarut MI 2017-2020* naapertorlugu ineriartortitsinissamut sulineq ingerlateqqinneqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

**Innuttaasunik peqataatitsineq/attaveqatigiinneq**

Soqanngilaq

**Ingerlatsivinnit allaniit oqaaseqaatigineqartut**

Soqanngilaq

**Ilanngussat**

1. 11 Killiffik pillugu nalunaarusiaq, kvartali siullesq 2020
2. Suliassanut pilersaarut 2017-2020 (nutartigaq)
3. Killiffik pillugu nalunaarusiami Deloitte oqaaseqaatai

# **Punkt 05B: Ukiumoortumik nalunaarusiat 2019 MI- Ikiorsiissuteqarfimmi neqeroorutit**

## **Beslutning**

Inassuteqaat akuersissutigineqarpoq.

Oqaaseqaat: Ataatsimiititap tullianik ataatsimiinnissaanut pitsaaliuineramik siunnersortinik marlunnik orniguttoqarnissaa kissaatigineqarpoq, ukiup ingerlanerani sulianik neqeroorutigineqartunillu nassuiaassiartortunik. Ataatsimiititap tullianik ataatsimiinnissaanut pitsaaliuineranut tunngasunik sunik suliniuteqartoqassanersoq eqqartorneqassaaq.

## **Bilag**

Ukiumoortumik nalunaarusiaq 2019 – Meeqqanut Ilaqutariinnullu Sullissivik Paamiut

Ukiumoortumik nalunaarusiaq 2019 – Meeqqanut Ilaqutariinnullu Sullissivik Nuuk

Ukiumoortumik nalunaarusiaq 2019 Inuusuttunut sullissivik (Inuusuttunut sullissivik Nuuk)

Kalaallit Nunaanni ulloq unnuarlu angerlarsimaffiit pillugit ukiumoortumik nalunaarusiaq 2019 (Tupaarnaq)

## **Ukiumoortumik nalunaarusiat 2019 MI- Ikiorsiissuteqarfimmi neqeroorutit**

"Pinaveersaartitsinermut aamma Meeqqat Ilaqutariinnillu katsorsaanermut immikkoortotaqarfimmit" Sullissivinniit ukiumoortumik nalunaarusiat

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – Pisortaq Martha Lund Olsen / MLOL

### **Suliassamik eqikkaaneq**

- Suliaq imaqarpoq ukiumoortumik nalunaarutit ukunannga:
- Nuummi Meeqqanut ilaqutariinnullu Sullissivimmiit
- Paamiuni Meeqqanut ilaqutariinnullu Sullissivimmiit
- Nuummi Inuusuttunut sullissivik
- Ulloq unnuarlu paaqqinniffik Tupaarnaq

Ukiumoortumik nalunaarutit piffinni aqutsisuniit suliarineqarsimapput, 2019-milu sullissiviit ulluinnarni ingerlanneqarnerannut suliniutinillu ingerlanneqarsimasunik imaqarlutik.

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutit Aningaasaqarnermut Inuusutissarsionermullu Ataatsimiititamut ingerlateqqinneqassasoq

### **Suliassamik saqqummiussineq**

Ukiumoortumik nalunaarutit sullissiviit aqqissugaanerannik, illuutit atorineqarnerannik, siunertaannik, aqutsinermik, sulisoqarnikkut inissisimaneq, aningaasaqarneq, sulinermit periutsit, neqeroorutit ataasiakkaat qanoq imaqarnerannik, suliniarfigisat kikkuunerinik, suliaqarfillu akimorlugit suleqatigiinnermik kiisalu ineriartornissamut perarfissat allaaserineqarnerannik imaqarput.

Kiisalu aamma 2019-mi unammillernartuusimasut aaliangersimasut ilanngullugit paasissutissanik imaqarput, suliniutit immikkuullarissut aamma kisitsisitugit paasissutissanik imaqarlutik.

### ***Aaqqiissutissatut siunnersuut – suliaticugit naliliineq***

Nalunaarusiat tunngavigalugit nalilerneqarpoq, sullissiviit pineqartut kommunip suliassaqaarfiisa iluanni ikiorsiinermi neqerooruteqarnermikkut pisussaaffitsik naammassisimagaat.

### ***Aningaasaticugit sulisoqarnikkullu naliliinerit***

Soqanngilaq.

### ***Inatsititugit tunngavissaq allakkallu tunngaviusumik uppersaatitalit***

"Meeqqat taparserneqarnissaannut Inatsisartut inatsisaat nr. 20, 26.juni 2017-meersoq"

### *Ingerlariaqqinnissaq*

Sullissiviit pineqartut ataavartumik neqeroorutigisatik ineriartortittuarpaat, suliniarfigineqartut sapinngisamik pitsaasumik neqeroorfigineqarnissaat anguniarlugu.

### **Aningaasaqarnermut Allatseqarfimmit oqaaseqaatit**

Soqanngilaq.

### **Innuttaasunik peqataatitsineq/attaveqaqatigiinneq**

Soqanngilaq.

### **Ingerlatsivinnit allaniit oqaaseqaatigineqartut**

Soqanngilaq.

### **Ilanngussat**

1. Ukiumoortumik nalunaarusiaq 2019 – Meeqqanut Ilaqutariinnullu Sullissivik Paamiut
2. Ukiumoortumik nalunaarusiaq 2019 – Meeqqanut Ilaqutariinnullu Sullissivik Nuuk
3. Ukiumoortumik nalunaarusiaq 2019 Inuusuttunut sullissivik (Inuusuttunut sullissivik Nuuk)
4. Kalaallit Nunaanni ulloq unnuarlu angerlarsimaffiit pillugit ukiumoortumik nalunaarusiaq 2019 (Tupaarnaq)

## **Punkt 6: Taasariaqartut allat**

### **Beslutning**

Ataatsimiitap Danmarkimut angalanissaa taamaatiinnarneqarpoq. Ataatsimiitap Nunatsinni angalanissaa siunnersuutigineqarpoq, immaqqa kommunimut allamut. Aamma kommunimi nunaqarfinnut tikeraarnissaq kissaatigineqarpoq.

## **Punkt 7: Suliati matoqqasut**

Soqanngilaq

### **Beslutning**

Soqanngilaq

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq nal.15.02